

Fwen Saenqhwnq Lajmbanj

□ Couh Veizminz Vangz Fungmingz

Bivaiz hengzguh cibseiq haj,
Lajmbanj saenqhwnq veh lamzdoz,
Rumzcin gaijgwz daeujfofo,
Ginzczung doxiu daeuj angq hemq.

It hauh vwnzgen raiz bien moq,
Haj bi gveihva yoj(yawj) bidaez,
Cungguek okyienh bienqvaq raeuh,
Lajmbanj bouxboux sim angqyangz.

Lajmbanj saenqhwnq vahdae z gvangq,
Song sam gawq vah gangj mbouj caenh,
Lajmbanj saenqhwnq yi yi haenq,
Dingq gou nyinhcaen lwnh hawj mwngz.

Baugau Aen Dangj Cibgouj Daih,
Haiguh saenqhwnq lajmbanj raeuz,
Haj veih guhdoi h baij baihdaeuz,
Youh dingh canloz sei q cienzmienh .

Guekcoj maenh 'ak lajmbwn onj,
Ngonzhag dangsij yamq baenaj,
Loh moq yienhsaed rongh dangqmaz,
Saenqhwnq lajmbanj moqsagsag.

Faen song yamq bae hwng lajmbanj,
Banh baenz ngeih lingz haj lingz nienz,
Gozgi minzswng h naekciencien,
Giengiet hawj raeuz buet siujgangh.

Hawsingz lajmbanj yaek doengzha,
Lajmbanj fazcanj aeu haeujcoengh,
Doengzcae z fouqmiz caemh saenqhwnq,
Yinvu hoenghhwd youh miznaj.

Linghyienh gensez aen mbanj moq,
Fazcanj mozsiz aeu cienjvuenh,
Swng hcanj fazcanj canjni eb vuengh,
Ndwenggoenz miz muengh haeux rim cang.

Lajmbanj gveihva yaek guh gonq,

Comz rengz bae guh aeu ciuqei,
Fazcanj lamzdoz yaek veh ndei,
Dingh ndei moegbiu byaij baenaj.

Daengx mbanj doicaenh hwnq mbanj moq,
Gizgiz moqsak mwnqmwnq lengj,
Gensez mbanjmoq caenz haenqrengz,
Ngengh gaij mbanjgaeuq bienq dieg moq.

Nungzyez canjyez bienq yienhdaih,
Vunzlai miz huq cungj gai baenz,
Doenghgo ndaem ndaej cungj canh ngaenz,
Baenqfouq bouxboux angqvauvau.

Nungzyez gunghyez doengzcae z huj,
Huqdoj huqmoq riuz daengx biengz,
Bouxcanh gaendwk daeuj doxriengz,
Riengjret demsou lajmbanj faengz

Gyagiengz dangigen coi fazcanj,
Lajmbanj song 'veij comz naengzlig,
Gihgou duivuj gensez lig,
Banhsaeh yauqlwd ndaej daezsang.

Vwndiz yinxyiengq gaemh banjdinj,
Caez dingj gannanz doek rengzhaenq,
Dawz ndei lozsiz caeuq doiqyienh,
Yawjmaenh haedsim caeuq nanzdiemj.

Seizdaih fazcanj langhfoenxfanj,
Lajmbanj saenqhwnq caen simmoj,
Roennaj raen miz gingjsaek moq,
Lajmbanj moqsak hong hwngvuengz.

Hauhchungfung youh ndoiq gyong laz,
Naemj ndei baenzlawz hwng lajmbanj,
Guh ndei caepcawq ngeix fazcanj,
Banj hwnj diuzgen haenqrengz guh.



Aen mbanj ing bya baengh raemx gyaeundei raixcaix.

Vangz Swnglinz ingj

De yawj Vangz Meijyen saeknoh lumj Vangz Gencingh, cibngeih bi lwgnyez hozoiq lauxsaed, dwggya ez raixcaix, song daeg nuengx daeg' iq noh hau lumj meh de, daeg nuengx hung saeknoh hix ndaem' oi q lumj Vangz Gencingh, sam bohlgw lumj aen vunq ndeu yaenq okdaeuj, byoem hixdwg henjoiq.

De amqriu.

Miz dah lwgsau iq ndeu naengh youq gwnz ringiemxdou baihlaeng ing youq goekfaex yawj saw, saw gig na, cuengq youq gwnz gya eujhoq. Lwgsau iq neix ciengz daeuj caeuq Vangz Meijyen guhcaemz, cujyau dwg ciq saw yawj, Vangz Meijyen hix bae ranz de.

Lauxdoengz

□ Moz Lijginz / 磨礼勤

Neix dwg bingzfangz song caengz buenq yungh cienhuj caep baenz, caengz dajcang, rog ciengz roh ok cienhuj caep ndaej goenjgoenj bingzcingj, daengx aen ranz hoengzfwgfwg.

Ranz dangqnaj miz benq dieg hoengq ndeu, seiqhenz faex hung humx dwk, dingzlai dwg faexmak. Lajbyonghngoenz, sam diemj cung, nditndat ngeng ciuq youq gwnz faex, laj goekfaex raemh giz dieg haenx ngamqhab cuengq daiz gwn haeux. Vangz Meijyen naeuz couh youq giz-

haenx nda daiz gwn haeux, doq gangj doq heuh song daeg nuengx bae ranzdajcawj daiz aen daizmwngz sahfaex hung ndeu okdaeuj, dah doengzhag cuengq saw youq gwnz ringiemxdou buet bae doxcaeuq daiz. Lij Danenz bungj aen bat hung ndeu okdaeuj, ndaw bat coux miz nohbit cug, heiq ndat hoenzngeungeu, Vangz Gencingh bungj aen bat hung ndeu okdaeuj, ndawde coux rim nohgaeq cau j raethom, roek boux lwgnyez hemqhuhu buen eij daemq okdaeuj, Vangz Meijyen haeuj ranz bae liuj aen gangvax iq ndeu okdaeuj, aen gangvax neix aeu duk sanhumx, ce

miz rwz. De swiq sei q aen cenj daeuj daengj gwnz daiz, giet fagang sai laeuj haeuj cenj bae baij ndei. Dwg laeuj gag ngauz, lai bi laeuj geq. Vangz Meijyen anbaiz song lauxdoengz naengh bingzbaiz, song boux mehdoengz naengh song henz, roek boux lwgnyez bingzbaiz naengh. Rogranz gwn haeux gig miz yinxdaez, roek boux lwgnyez bingzbaiz naengh boux ngaemh boux riugeggeg lumj guhcaemz nei haeb byaidawh mbouj ngah gwn haeux, dah'iq caeuq daeg' iq gwn maksandauz, naengh yaep he youh ndwn hwnjdaeuj boux laeh boux humx daizmwngz doxgyaep.

Laeuj ndei byaek hom vunz sim' angq, gij vah roxsim song lauxdoengz gangj geijlai miz geijlai, couh lumj dawz beuz daek raemxdah ciengxlwenx daek mboujmboek.

(5)

